

Mostra

RETROSPEKTIVE – Klemens Piccolruaz

tl self dla mostres dla Lia Mostra d’Ert

Vernissage: n juebia, ai 19.03.2026 dala 18:00

Dureda dla mostra: 20.03.2026 – 11.04.2026

Orar de giaurida:

merdi – venderdi: 16:00-19:00

sada y dumënia: 10:00-12:00 y 16:00-19:00

Klemens Piccolruaz (*29. autil 1939) ie n scultëur che vif y lëura sa Sacun/Urtijëi. Do la scola elementera y doi ani de scola mesana a Bulsan à Piccolruaz mparà per trëi ani da Luis Baur „dl Spangler“. Tl medemo mumënt jivel ala scola profesciunela dl ziplé a Urtijëi. Daldò al laurà doi ani coche lerner da Hans Nocker „dl Roder“ sciche nce n valgun ani da Leo Mahlkecht. Nchin ala pension al ziplà per ferleigheri desfrënc y fova nnavisà cun l’ert dl ziplé tradiziunel.

Te duc chisc ani che l puliva do scultures dates dant, al for inò abinà la dlaurela de ziplé opres de si nimaginazion. Si fasa creativa y artistica plu ntensiva scumëncia pona canche l ie n pension. Te chësc tēmp se dedicheiel ala creazion liedia y scumëncia a lauré cun materiai naturei che l abina, sciche ravises y sasc. L ziplé tl sas al mparà dassëul, pruan ora sortes de sasc desfrënc de nosta cuntreda. Nce n valguna massaria se al fat nstëss, per ejēmpl scarpiei ora de mëinasraufli amulei.

Coche persona omla, liedia ala natura y enc mpue spevia, lëura Klemens Piccolruaz te n dialogh chiet cun l paesaje, l sas y l lēn. Ora de obiec abinei svilupeiel cun gran pazienza, esperienza y ntuizion scultures chietes ma stersces che spidlea l respet dan l material y si uriginn. Si lëur ie n liam consequent de prezijon artejanela, mentalità y uriginn naturel.



CIRCOLO LIA MOSTRA D'ERT - URTIJËI
KREIS FÜR KUNST UND KULTUR - ST.ULRICH
CIRCOLO ARTISTICO E CULTURALE - ORTISEI

Plaza S. Antone 102

I - 39046 Urtijëi (BZ)

[http:// www.circolo.org](http://www.circolo.org)

info@circolo.eu

tel. +39 377-5936350